



АГААРЫН БОХИРДЛЫГ БУУРУУЛАХ ҮНДЭСНИЙ ХОРООНЫ ТӨГТООЛ

2015 оны 12 сарын 18 өдөр

дугаар 03

Улаанбаатар хот

Аймаг, нийслэлийн агаарын чанарыг сайжруулах
бүсэд авч хэрэгжүүлэх зарим арга хэмжээний тухай

Монгол Улсын Ерөнхий сайдын 2015 оны 247 дугаар захирамжаар
баталсан “Агаарын бохирдлыг бууруулах үндэсний хорооны ажиллах журам”-ын
4.1-д заасныг үндэслэн ТӨГТООХ нь:

1. Нийслэлийн агаарын чанарыг сайжруулах бүсэд авч хэрэгжүүлэх арга
хэмжээг 1 дүгээр, агаарын бохирдол ихтэй аймгуудын агаарын чанарыг
сайжруулах бүсэд авч хэрэгжүүлэх арга хэмжээг 2 дугаар хавсралт ёсоор тус
тус баталсугай.

2. Аймаг, нийслэлийн агаарын чанарыг сайжруулах бүсийг тогтоож, энэ
тогоолын хавсралтад заасан арга хэмжээг хэрэгжүүлэх ажлыг хамтран зохион
байгуулахыг Байгаль орчин, ногоон хөгжил, аялал жуулчлалын сайд
Н. Батцэрэг, холбогдох аймаг, нийслэлийн Засаг дарга нарт үүрэг болгосугай.

3. Байгаль орчин, ногоон хөгжил, аялал жуулчлалын яам болон
сайжруулсан түлш үйлдвэрлэгч аж ахуйн нэгжүүдтэй Түлш нийлүүлэх тухай
гурвалсан гэрээ байгуулж, сайжруулсан түлшээр айл өрхүүдийг хангах ажлыг
зохион байгуулан борлуулалтад нь хяналт тавьж ажиллахыг Нийслэлийн Засаг
дарга Э. Бат-Үүл, Баянгол дүүргийн Засаг дарга Д.Оросоо нарт даалгасугай.

4. Нийслэлийн сайжруулсан түлш хэрэглэх бүсэд орших 10.000 хүртэл айл
өрхөд хөнгөлөлттэй үнээр түлш нийлүүлэх, түлш үйлдвэрлэгч аж ахуйн нэгжид
нийлүүлсэн түлшний нэг тонн тутамд 52.500 (тавин хоёр мянга таван зуун)
төгрөгийн татаас, сайжруулсан түлшийг эцсийн цэг дээр борлуулах, хадгалахад
нэг тонн тутамд 12.500 (арван хоёр мянга таван зуун) төгрөгийн урамшуулал
тус тус олгон, гэрээнд заасан нөхцөлийн дагуу санхүүжүүлэхийг Байгаль орчин,
ногоон хөгжил, аялал жуулчлалын сайд Н. Батцэрэгт зөвшөөрсүгэй.


5. Гэр хорооллын айл өрхийн хэрэглээнд ялtsan халаагуурыг нэвтрүүлэх
боломжийг судлан, уг халаагуурыг хэрэглэснээр гарах цахилгааны хэмнэлтийн
тооцоог бэлтгэж танилцуулахыг Нийслэлийн Засаг даргын Тамгын газар, Эрчим
хүчний яам, Эрчим хүчний хөгжлийн төвд тус тус даалгасугай.

6. Гурвалсан нано технологи бүхий шингэн НАНО бүтээгдэхүүнийг хэрэглээнд нэвтрүүлэх боломжийг судалж, саналаа танилцуулахыг Уул уурхайн яамны Төрийн нарийн бичгийн дарга Д. Артаг, Газрын тосны газрын дарга Г.Өлзийбүрэн нарт тус тус даалгасугай.


7. Тогтоолын хэрэгжилтэд хяналт тавьж ажиллахыг Агаарын бохирдлыг бууруулах үндэсний хорооны Нарийн бичгийн дарга Р.Дэжид, Т.Бат-Эрдэнэ нарт үүрэг болгосугай.

МОНГОЛ УЛСЫН ЕРӨНХИЙ САЙД,
ҮНДЭСНИЙ ХОРООНЫ ДАРГА

Ч.САЙХАНБИЛЭГ



Агаарын бохирдлыг бууруулах үндэсний
хорооны 101/бонь 03 тоот тогтоолын
нэгдүгээр хавсралт



**НИЙСЛЭЛИЙН АГААРЫН ЧАНАРЫГ САЙЖРУУЛАХ БҮСЭД БАЙГАЛЬ ОРЧИН,
НОГООН ХӨГЖИЛ, АЯЛАЛ ЖУУЛЧЛАЛЫН ЯАМ, НИЙСЛЭЛИЙН ЗАСАГ ДАРГЫН
ТАМГЫН ГАЗАРТАЙ ХАМТРАН АВЧ ХЭРЭГЖҮҮЛЭХ АРГА ХЭМЖЭЭ**

2016 онд хэрэгжүүлэх үйл ажиллагаа	Хугацаа	Үр дүн
Гэр хорооллын 10-12 мянган айл өрхийг боловсруулсан түлшээр хангах	I улиралд	2016.01.15-04.15 хуртэл 1 айл өрх 2тн орчим боловсруулсан түлш хэрэглэнэ гэж тооцв.
Гэр хорооллын 10 орчим мянган айлын хэрэглэж байгаа түүхий нүүрсийг нүүрс цэвэршүүлэгч бодисоор баяжуулах турших ажил	I улиралд	Зуухны яндангаас гарах бохирдуулагч бодис ялангуяа СО-ийн хэмжээг 50-70% бууруулах боломжтой.
Эхний ээлжид гэр хорооллын айл өрхийн цахилгаан хангамжийн найдвартай ажиллагааг дээшлүүлэх чиглэлээр их тойруугийн 110 кВ-ын дэд станцуудаас хэт ачаалагдсан 4 шугамын ачаалал хөнгөвчлөх угсралтын ажил	I-III улиралд	Их тойруугийн 110кВ-ын дэд станцуудаас хэт ачаалагдсан 4 шугамын ачааллыг хувааж шилжүүлэх ажлыг хийснээр Улаанбаатар хотын 4 дүүргийн 6000 айл өрхийн цахилгаан хангамжийн найдвартай ажиллагаа хангаж, цахилгаанаар халаах нөөц чадлыг бүрдүүлнэ.
Агаарын бохирдол ихтэй бүсэд байгаа цэцэрлэгүүдийн усан халаалтын зуухнуудыг шинэ дэвшилтэт технологид шилжүүлэх ажил	I-III улиралд	ЧД, 12-р хорооны 154-р цэцэрлэг, ЧД, 7-р хорооны 173-р цэцэрлэг, СБД, 18-р хорооны 166-р цэцэрлэг, СХД 9-р хорооны 38-р цэцэрлэг, СХД, 30-р хорооны 125-р цэцэрлэг; нийт 5 цэцэрлэгийн халаалтын зуухыг тус бүр нь 100,0 сая төгрөгөөр шинэчилнэ. Техникийн нөхцөл гарсан.
Нийтийн том оврын хуучин тээврийн хэрэгслүүдээс ялгарах агаар бохирдуулагч бодисыг бууруулах үр ашигтай шийдлийг судлах, тоосонцрын шүүлтүүр (DPF) суурилуулах боломжийг судлах, туршин нэвтрүүлэх	I-III улиралд	Нийтийн том оврын хуучин тээврийн хэрэгслүүдээс ялгарах тоосонцорыг бууруулах тоног төхөөрөмжийн судалгааг хийж, улмаар суурилуулан турших замаар үр ашиг, зардлын тооцоог гаргана.



Агаарын бодирдлыг бууруулак үндэсний
хорооны төслийн төст тогтоолын
хөрдүгээр хавсралт

АГААРЫН БОХИРДОЛ ИХТЭЙ АЙМГУУДЫН АГААРЫН ЧАНАРЫГ САЙЖРУУЛАХ
БҮСЭД БАЙГАЛЬ ОРЧИН, НОГООН ХӨГЖИЛ, АЯЛАЛ ЖУУЛЧЛАЛЫН ЯАМ, АЙМГИЙН
ЗАСАГ ДАРГЫН ТАМГЫН ГАЗАРТАЙ ХАМТРАН АВЧ ХЭРЭГЖҮҮЛЭХ АРГА ХЭМЖЭЭ

№	Аймгийн нэр	Хугацаа	Хийх ажил
1	Хөвсгөл	I-III улиралд	Агаар дахь тоосонцрыг хэмжих багаж хэрэгсэл, бусад тоноглолын хамт /интернет модем, пүтик, цахилгаан халаагуур, хөргүүр, бусад тоноглолын хамт/
2	Өвөрхангай	I-III улиралд	Аж ахуйн нэгж, байгууллагуудыг нэгдсэн халаалтын системд холбох шугам хоолойн угсралтын ажил
		I-III улиралд	Аймгийн төвийн хэмжээнд үйл ажиллагаа явуулж буй 16 том оврын халаалтын зуухны янданд шүүлтүүр тавих.
3	Өмнөговь	I-III улиралд	500 айл өрхөд сайжруулсан зуух хөнгөлөлттэй үнээр нийлүүлэх
4	Баянхонгор	I-III улиралд	Агаар дахь тоосонцрыг хэмжих багаж хэрэгсэл, бусад тоноглолын хамт /интернет модем, пүтик, цахилгаан халаагуур, хөргүүр, бусад тоноглолын хамт/
		I-III улиралд	500 айл өрхөд сайжруулсан зуух хөнгөлөлттэй үнээр нийлүүлэх
5	Дархан-Уул	I-III улиралд	500 айл өрхөд сайжруулсан зуух хөнгөлөлттэй үнээр нийлүүлэх
6	Орхон	I-III улиралд	Агаарын чанарыг сайжруулах хязгаарлалтын I бүсэд сайжруулсан зуух аваагүй үлдсэн 1500 айл өрхийг зуухаар хангах.
7	Ховд	I-III улиралд	1500 айл өрхөд сайжруулсан зуух хөнгөлөлттэй үнээр нийлүүлэх.

-оо-